

آمریکانین فیشار و تهدید ایدامه‌سینن موذاکیره‌دن دانیشماسی حبله‌گرانه حرکتدیر

اینقیلابین عالی رهبری: بعضیلری‌نین غرض و یا ساده‌لوحلوق اوزوندن آمریکانین موذاکیره پیشنه‌ادیندان سئوینماغینا ایشاره ائدیپ دئدیله: من دیپلومات دئییلیم. من اینقیلابیم و سؤزو آچیق و دوز دئییرم، سیز (آمریکالیلار) سیلاحی ایرانین اوستونه توتورسوز و موذاکیره ائله‌ماق ایستیرسیز، ایران جماعتی بئله شئیلریدن قورخما‌یاجاق.

مهرین وئردیغی خبره گؤره، ایسلامی اینقیلابین عالی رهبرلیق مقامی حضرت آیت الله خامنه ای ارتشین هوایی نیرولار فرماندهلری جمعینده، آمریکالیلارین 34 ایل بویوندا جورجه جور تهدید و فیشارلارینان بئله موذاکیره‌دن دانیشماسی آمریکالیلارین حوسن نئتی‌لری‌نین یوخلوغوندان خبر وئیر و ایران جماعتی‌نین هوشیارلیغینا و قورخما‌ماغینا ایشاره ائدیپ تأکید ائله‌دیله: ایرانین عزیز، بصیر و مقاویم جماعتی بهمنین ایرمی ایکیسینده مؤحکم صورته میدانا گله‌جاق و اینقیلابی و میلی حرکتده بیر

داها دوشمنین، جماعتی نظامدان آیرما توطئه‌سینی یاریدا قویاجاق. بو گوروش هوایی نیرولارین 1357-جی ایلین بهمنین اون دوققوزوندا ایمامینان (ره) بیعت ائله‌دیقلاری گونون ایل دؤنومونده برگوزار اولدو. اینقیلاب رهبری ایندیکی ایران جماعتین 34 ایل قاباغینان فاصله‌سینی چوخ بیلپ دئدیله: ایران جماعتی بو 34 ایلده ایری جماعتلره اؤرگتدیلر کی بیگانه‌لر قاباغیندا

دایانماق اولار و گرک دایانماق و آلاها تۆکول ائله‌ماغینان مستقیل و باشی اوجا حرکت ائدامه وئرماق اولار. حضرت آیت الله خامنه ای فجر دهه‌سی گونلرینی نظام و جماعتین 34 ایللیق حرکتی موختلیف ساحه‌لرده دیرلندیرماغی موناسیب فورصت بیلپ آرتیردیله: بو باخیش

گله‌جاقداکی یولو نچه سنچمکده و گنتماقدا کؤمک اولاجاق. اینقیلاب رهبری دوشمنلرین کودتا، نظامی تحریک، موهاجیم دوشمندن تماماً حیمایت ائله‌ماق، یومشاق ساواش، مدیا امپراطورلوغونون آرتیق فیشاری و شیدّتلی تحریملر کیمی توطئه‌لرینه ایشاره ائدیپ آرتیردیله: اینقیلابین اوتوز دؤرد ایلینده اونلار جماعتی نظام و ایسلاما بدبین ائله‌ماقدان اؤترو اللریندن گلنی ائله‌دیلهر آما آلاهیین

فضلین جماعت داها فعال و داها وفالی اولوبلار. عالی رهبرلیق مقامی جماعتی نظامینان اولشیدیرماق اوچون بعضی تحریملرین شیدّتلنمه‌سی باره‌ده آمریکا مسئوللاری‌نین دئدیغی سؤزلره ایشاره ائدیپ تأکید

ائله‌دیله: جماعت، همیشه‌یه تاي ایرمی یکی بهمن راهیمالیغیندا بو سؤزلرین جوابینی وئیر و بو ایلده وئره‌جاق. حضرت آیت الله خامنه ای بصیرت و اییقلیغی بیگانه‌لر قاباغیندا موقعیت رمزی سایب آرتیردیله: جماعت عمومی بصیرت و هوشیارلیغینان، بوتون حرکتلرده آمریکا و

صهیونیستلرین اللرینی چوخ پاخچی اوخوبولار و اؤز کیردارلاریندا و موقعیتلرینده کیریمیرلار و بو واقعیت جماعتین عظیم حوسنی ساییلیر. اینقیلاب رهبری تازالیقدا آمریکالیلارین ایرانلا موذاکیره‌یه حاضر اولماقلارینی مطرح ائله‌ماقلارینا ایشاره ائدیپ آرتیردیله: البته بو سؤزون تازالیغی یوخدور و اونلار موختلیف

واختلار بونو تکرار ائدیلهر و هر دفعه‌سینده ایران جماعتی آمریکالیلارین عمللرینه باخماغینان سؤزلری باره‌ده قضاوت ائدیله.